

康德五年四月增訂

文溯閣四庫全書要略及索引

國立奉天圖書館



文溯閣四庫全書要略及索引

康德五年六月五日印刷
康德五年六月十日發行

奉天市大南門內

編輯兼
發行者 國立奉天圖書館


奉天鐵西區中央路二二

印刷者 關


眞

奉天市鐵西區中央路二二



印刷所 興亞印刷株式會社





景 全 閣 湖 文




文湖閣全景平面圖









部一之架書部內庫書建新閣溯文

欽定四庫全書



史記
卷一百一十五
史記
卷一百一十五

史記
卷一百一十五
史記
卷一百一十五

欽定四庫全書

經部

子夏易傳卷三



欽定四庫全書

經部

子夏易傳

易類

提要

臣等謹案子夏易傳十一卷舊本題曰卜商撰按說易之家最古者莫若是書其偽中生偽至一至再而未已者亦莫若是書唐會要載開元七年詔子夏易傳近無習者令儒官評定劉知幾議曰漢志易有十三家而無子

欽定四庫全書

子夏易傳

欽定四庫全書

子夏易傳卷一

周易

上經乾傳第一



乾上
乾下

乾元亨利貞
利貞利貞
利貞利貞
利貞利貞
利貞利貞
利貞利貞

施品物流行大明終始六位時成時乘六龍以御天乾道變化各正性命保合太和乃利貞首出庶物萬國咸

子夏易傳

史記集解序

裴國索隱驄字龍駒河東聞喜人家中郎外兵馬曹然軍父松之字世朗太中大夫注三國志宋書父子同傳正義裴駙採九經諸史并漢書音義及衆書之目而解史記故題

史記集解序序緒也孫炎云謂端緒也孔

班固有言曰索隱固撰漢書作司馬遷傳評其作史記所採之書兼論其得失故裴駙此序先引

之為說也按固字孟堅扶風人後漢明帝時任至司馬中護軍祖釋廣平太守父彪徐令續太史公書

遷正義字子長左馮翊人也漢武帝時為太史令據左氏國史令撰史記百三十篇父談亦為太史令據左氏國語曰左氏傳國語亦丘明所撰上起周穆王下訖敬王

正義今刪

卷一考證

史記卷一考證

文溯閣四庫全書要略

一 全書概略

一 創議 纂修四庫全書之議 實發起於大興朱笥河筠 初清高宗乾隆三十七年諭各省訪求遺書 時笥河任安徽學政 即於三十八年 奏請開館校書 以四事上陳 一 舊本抄本 當爲急搜 用廣前史藝文之闕 以備我朝儲書之全 二 先定中書目錄 宣示外庭 令各舉所未備者以獻 並請擇永樂大典中古書完者若干部 分別繕寫 各自爲書 以備著錄 三 著錄校讎 當爲並重 令儒臣分任校書之選 每一書上 必校其得失 撮舉大旨 敘於本書首卷 四 收書之外 兼收金石圖譜 凡直省所存鐘銘碑刻 悉宜拓取 一併校錄 (參閱笥河文集卷一頁四謹陳管見開館校書摺子) 高宗即根據此議 詔開四庫全書館 以後全書規模 舉不出其範圍 笥河對於一代藝文之功

誠不可忽視也

二 館臣 四庫館既開 以軍機大臣劉統勳于敏中等總其事 紀昀陸錫熊孫士

毅爲總纂官 陸費墀爲總校官 纂修分校 則戴震主經 邵晉涵主史 周永

年主子 紀昀主集外 王念孫程晉芳任大椿俞大猷朱筠翁方綱王太岳姚鼐金

榜吳錫麒盧文弨丁炘等一時名宿 皆在網羅 而是役最足爲奉天生色者 時

遼陽王爾烈以陝西道監察御史而參加纂修之役是也

三 書籍來源 館中所據書籍之來源 約而言之 有四 曰政府固有藏書 曰

公私進到遺書 曰永樂大典中散見各書 曰臨時編纂加入之書 政府固有藏

書 又有敕撰本內府本之別 公私進到遺書 又有各省採進本私人進獻本通

行本之別 如全唐詩皇朝文獻通考等之類 所謂敕撰本也 內廷如皇史宬懋

勤殿內閣大庫 武英殿昭仁殿摛藻堂等處藏書 悉爲發出 以資採擇 所謂

內府本也 凡各省督撫學政採取各地遺書 送館備用者 爲各省採進本 各

地藏書家自行送館備用者 爲私人進獻本 當時各省 進書最多者爲浙江

最少者爲奉天 然猶勝於甘肅貴州四川三省之絕未進呈 私人方面 則天一閣范氏 飛鴻堂汪氏 曝書亭朱氏 瓶花齋吳氏 汲古閣毛氏 二老閣鄭氏 嘉松堂孫氏 振綺堂汪氏 知不足齋鮑氏 平津館孫氏 抱經堂盧氏等 皆海內藏書巨擘 多以宋槧元刊孤本秘笈進呈 多者至六七百種 少者亦在百種上下 至於永樂大典 價值之鉅 益難估計 中多未見之本 當時開館動機 實由於摘抄大典而來 其重要可知 館中所據書籍 其來源方面 如此宏富 無怪全書之蔚爲大觀 超絕千古也

四

大典沿革

考永樂大典自明嘉靖壬戌 禁中失火 幾被焚燬後 遂詔閣臣

照抄一部 以正書留乾清宮 副本貯皇史宬 清雍正中 因皇史宬恭藏聖祖

仁皇帝實錄 屏當書架 乃將副本移於翰林院 時全謝山先生適寓臨川李穆

堂第 驚爲創獲 因與定爲日課 日盡二十卷 以所簽分令四人鈔之 一日

所簽 或至浹旬未畢 其難如此 會纂修三禮 謝山語總裁方望溪 鈔三禮

之不傳者 而院中所儲副本 缺少幾及二千卷 擬奏請發宮中正書補足之

事亦未果 祁門馬嶓谷曰瑄 仁和趙谷林昱 均曾爲謝山致鈔資 而謝山旋改知縣 事遂中輟（參閱全謝山結埼亭集永樂大典抄書記）杭堇浦世駿纂輯續禮記集說 所採宋元人說 半出於大典 蓋亦繼謝山之志者 而惜皆未能作大規模之抄錄也 至四庫館開 始因笥河之議 以國家之力 分輯繕寫 各自爲書 計編入四庫者經部六十六種 史部四十一種 子部一百三種 集部一百七十五種 共三百八十五種 四千九百二十六卷 而存目與業經輯出而未及進呈者 尙不與焉 嗣後嘉慶丁巳 乾清宮災 正本遂燬 副本萬餘冊 則皮藏翰林院敬一亭 蛛網塵封 無人過問 而書之珍貴 人所共知 遂漸漸遺失 日見減少 光緒乙亥 重修翰林院衙門 檢查此書 已不及五千冊 當時嚴究館人 甚至有交刑部斃于獄者 而書仍無著 光緒丙子 繆筱珊荃孫入翰林 詢之前輩 祇有三千餘冊 癸巳詢之 不及七百冊 庚子拳匪倡亂 燬翰林院 以攻使館之背 舊所儲藏均付一炬 除早日遺失流落中外者外 大典遂一冊不存 正書早歸天上 副本亦付劫灰 使四庫館不先